



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 22. Caraffa Cardinalis Lutetiam Parisiorum ingressus.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

§. XXII.

Sæcul. XVI.
A.C. 1556.*Caraffa Cardinalis Lutetiam Parisiorum ingressus.*

Ceterum Legatus Parisinam urbem cum omni pompa, ac solemnitate in ejusmodi occasionibus consueta ingrediebatur. Referunt nonnulli, quod, ubi Legatus in plateis signum crucis faceret, ac populo pro more bene precaretur, consuetas preces fundere neglexerit, sed illarum loco submissa omnino voce ad populum turmatim pro benedictione concurrentem, atque in genua procumbentem hæc verba dixerit: *Quandoquidem populus iste vult decipi, decipiatur.* (*) Quinimo scribunt de eo alii, quod inter Nobiles in Aula, atque in civitate generosus, inter Matronas lepidus, atque inter hilares lætus fuerit, sæpiusque Valentinensem Ducissam officiosa salutatione honora-

Thyan. l. 17.

num. 3.

Mazeraya-
brege chron.

t. 4. p. 598.

B b 4

tam

(*) Hujus fabulæ Auctor est Thuanus Scriptor ob sua mendacia ad Apostolicæ Sedis dignitatem deprimendam ex Hæreticorum lacunis in suam Historiam translatajam Anno 1610. inter damnatos Scriptores recensitus, qui refert, hunc Legatum sæpius secreta murmuratione hæc verba ingeminasse: quæ murmuratio, si adeo secreta fuit, mirum, quomodo a Thuano percipi potuerit.

Sæcul. XVI. tam suo, quam Pontificis nomine amplis
A.C. 1556. muneribus cumularit. Insuper Con-
 venarum Episcopatu, quo se in ejus
 gratiam Joannes Bertrandus Franciæ
 Procancellarius ultro abdicaverat, a
 rege donatus est: cumque mense Junio
 Regina uno partu duas filias enixa esset,
 earum unam Caraffa adrogatus, e fo-
 cro fonte suscepit, eique Victoriæ no-
 men indidit, sive ob prosperos, & con-
 tinuatos fere præteritorum annorum
 successus, sive ob spem temere ab omni
 ipsius familia de futuris triumphis con-
 ceptam, quæ tamen mox cum vita
 hujus Infantis, istiusque sororis, quæ
 Joanna dicta est, brevi evanuit; paulo
 post enim ambæ hæ Principes fati con-
 cessere. Non deerant ex Cardinalibus
 nonnulli, qui Caraffam vehementer ob-
 jurgarent, eo quod Convenensem Epi-
 scopatum utpote suæ dignitati minus
 congruum acceptasset: verum re per-
 cepta Legatus die vigesima quarta Julii
 datis ad Fratrem suum literis acriter
 reprehendit hosce Cardinales, qui erant
 Pacceus, & Joannes Alvarez Domini-
 canus, vulgo Cardinalis S. Jacobi ap-
 pellatus, eo quod Compostellanus esset
 Archiepiscopus.